



萬僧問答景德傳燈全錄卷之十九

福州東禪慧空大師藏本

古汴景德道原大師纂集

古建香山圓智居士抄刊

福州雪峯義存禪師法嗣

福州安國院明真大師

弘瑄泉州人也姓陳氏幼絕葷茹自誓出家
於龍華寺東禪始圓戒體而造于雪峯雪峯
觀其少雋堪為法器乃導以本心信入過量
編參禪苑獲諸方三昧却回雪峯

雲峯問什麼處來曰江西來峯曰什麼處見
達磨曰分明向和尚道峯曰道什麼曰什麼
處去來

○一日峯見師攔住曰盡乾坤是个解脫門把
手教伊入不肯入曰和尚怪弘瑄不得峯曰
雖然如此爭奈替後許多師僧何師因率因
師碑文去得之於心伊蘭作旃檀之樹失之
於首甘露乃蕤藜之園拈問僧曰一語須具
得失兩意汝作麼生道僧率拳曰不可喚作
拳頭也師不肯亦率拳別云只為喚這不作
拳頭

○師受請止園山毘徒臻集

後聞師向師道德命居安國寺大闡玄風徒
餘八百矣

○僧問如何是西來意師曰是即是莫錯會

○問如何是第一句師曰問問

○問孝人上來未及其機請師及機師良久僧
禮拜師曰忽到別處人問汝作麼生率曰終
不敢錯率師曰未出門已見笑具

○問如何是達磨傳底心師曰素非後躅

○問如何是宗乘中事師曰不可為老兄散却
衆也

○問不落有無之機請師全道師曰汝試斷看
○問如何是一毛頭事師拈起袈裟僧曰乞師
指示師曰

抱璞不須頻下淚來朝更獻楚王看

○問寂寂無言時如何師曰更進一步

○問凡有言句皆落因緣方便不落因緣方便
事如何師曰拈棒之士頻逢抱甕之流罕遇
○問向上一路千聖不傳未審和尚如何傳師
曰且留口喫飯着

○問如何是高尚底人師曰

河濱無洗耳之叟磻溪絕垂釣之人

○問十二時中如何救得生死師曰

執鉢不須窺衆樂癡水何必步參差

○問孝人擬問宗乘師還許也無師曰但問僧

擬問師乃唱出

○問目前生死如何免得師曰把將生死來

○問知有底人為什麼道不得師曰

汝爺名什麼

○問如何是活人之劍師曰不敢瞎却汝曰如

何是殺人刀師曰只這個是

○問不犯鋒銜如何知音師曰駢羊去

○問苦澁處乞師一言師曰可殺沈吟曰為什

麼如此師曰也須相悉好

○問常居止位底人還消人天供養否師曰消不得曰爲什麼消不得師曰是什麼心行曰什麼人消得師曰着衣喫飯底消得

○師奉稜和尚住招慶時在法堂東角立謂僧曰這裏好致一問僧便問和尚爲何不居正位稜曰爲汝恁麼來曰即今作麼生稜曰用汝眼作麼師奉畢曰他家恁麼問別是不道理如今作麼生道後安國曰恁麼即大眾一時散去得也師亦自代去恁麼即大眾一時禮拜

蕪州雲蓋山雙泉院歸本禪師

亦曰西雙泉以隨州有東雙泉故也

師京兆府人也幼出家十六納戒念法華經初礼雪峯雪峯下禪床跨背而坐師於是因此省竟

○僧問如何是雙泉師曰可惜一雙眉曰孝人不會師曰不曾煩禹力湍流事不知

○問如何是西來的的意師乃搯住其僧變色師曰我這裏無這个

○師手指纖長特異于人號手相大師

韶州林泉和尚 先住嶺山

僧問如何是塵師曰不覓成立山

○師謂白雲慈光大師辭出曰雲門送扶下階
曰欸欸莫教躓倒師曰忽然躓倒又作麼生
曰雲曰更不用扶也師大笑而退

○洛京南院和尚問如何是法法不生師曰生
○有儒士博覽古今時人呼為張百會一日來
謁師師曰莫是張百會麼曰不敢師以手於
空畫一畫曰會麼曰不會師曰一尚不會什
麼處得百會來

○越州洞岩可休禪師問如何是洞岩止主師
曰開著

○開如何是和尚親切為人處師曰大海不宿
死屍

○問如何是向上一路師率衣領示之

○問孝人遠未請師方便師曰方便了也

○定州法海院行周禪師問風恬浪靜時如何
師曰吹倒南牆

○問如何是道中寶師曰不露光曰莫便是否
師曰是即露也

杭州龍井通禪師

覩樓上座問如何是龍井龍師曰意氣天然
別神工畫不成曰為什麼畫不成師曰出群

不戴角不與類中同曰還解行雨也無語曰
普潤無邊際处处皆結粒曰還有宗門中事
也無師曰有曰如何是宗門中事師曰從來
無形段應物不曾虧

。問如何是吹毛劍師曰拽出死屍著

樟州保福院從展禪師

福州人也姓陳氏年十五礼雪峯為受業師
十八本州大中寺具戒遊吳楚間後歸執侍
雪峯一日忽召曰還會麼師欲近前雪峯以
杖拄之師當下知歸作礼而退

。又常以古今方便詢于長慶稜和尚稜深許

之長慶稜和尚有時去寧說阿羅漢有三毒
不說如來有二種語不道如來無語只是無
二種語師曰作麼生是如來語曰聾人爭得
聞師曰清知和尚向第二頭道長慶却問作
麼生是如來語師曰喫茶去雲居錫云什麼
如是長慶向第二頭道也

因牽盤山去光境俱士復是何物洞山去光
境未士復是何物師曰據此二尊者商量猶
未得勤絕乃問長慶如今作麼生道得勤絕
長慶良久師曰清知和尚向山鬼窟裏作活
計長慶却問作麼生師曰兩手扶犁水過膝

○一日長慶問見色便見心還見船子麼師曰見曰船子且置作麼生是心師却指船子歸宗柔別云和尚只解問人

○雪峯謂眾曰諸上座到望州亭与上座相見了到烏石嶺与上座相見了到僧堂前与上座相見了師拈問鵝湖曰僧堂前相見即且置只如望州亭烏石嶺什麼處是相見鵝湖驟步入方丈師歸僧堂東禪齊云此二尊宿會處是相見不相見試斷看

○梁貞明四年丁丑歲漳州刺史王公欽承道嘗創保福禪苑迎請居之

○開堂日王公禮跪三請躬自扶掖升堂師曰須起个笑端作麼然雖如此再三不容推免諸仁者還識麼若識得便与古佛齊肩

時有僧出方禮拜師曰晴乾不肯去直待雨淋頭僧乃申問曰郡守崇建精舍大闡真風便請和尚拈揚宗教師曰還會麼曰恁麼即群生有賴也師曰莫把那不淨塗汚人好僧出禮拜師曰大德好与麼莫覆却船子

○問泯默將何為則師曰落在什麼處曰不會師曰瞌睡漢出去

○師見一僧乃以杖子打露柱又打其僧頭僧

作忍痛聲師曰那個為什麼不痛僧无對玄
竟代去貪行拄杖

○問摩騰入漢一藏分明達磨西來將何指示
師曰上座行脚事作麼生曰不會師曰不會
會取好莫傍家取人處分若是父在叢林粗
委些子遠近可以隨處認真其有初心後季
未知次序山僧所以不惜口業向汝道塵劫
來事只在如今還會麼然佛法付祝国王大
臣郡守昔同佛會今方如是若是福祿榮貴
則且不論且如當時受佛付祝底事還記得
麼若識得便与千聖齊肩倘未識得直須諦

信此事不從人得自己亦非言多去道轉遠
直道言語道斷心行處滅猶未是在大眾久
立珍重

○異日上堂大眾雲集師曰有人從佛殿後過
見是張三李四從佛殿前過為什麼不見且
道佛法利害在什麼處僧曰為有一分粗境
所以不見師乃叱之自代曰若是佛殿即不
見僧曰不是佛殿還可見否師曰不是佛殿
見什麼

○問十二時中如何據驗師曰恰好據驗曰李
人為什麼不見師曰不可更捏目去也

○問主伴重二極十方而齊唱如何是極十方而齊唱師曰汝何不教別人問

○問因言辯意時如何師曰因什麼言僧低頭良久師曰繫電之機徒勞佇思

○問欲入无為海須乘般若般若如何是般若師曰便請曰便恁麼進去時如何師曰也是涅槃堂裏漢

○師見僧喫飯乃托鉢曰家常僧曰和尚是什麼心行

○有尼到叅師曰阿誰侍者報云齋師姑師曰既是齋師姑用來作麼尼曰仁義道中即不

无師自別去和尚是什麼心行玄菟因奉法眼見僧擔土乃以一塊土放擔上云吾助汝僧去謝和尚慈悲法眼不肯有一僧別去和尚是什麼心行法眼便休玄菟徵去此三則語一般別有道理什麼處是心行處

○闍師遣使送朱記到師上堂曰去即印住二即印破僧曰不去不住用印奚為師乃打之僧曰恁麼即山鬼窟裏全因今日也師乃默已玄菟去什麼處是山鬼窟叢林中道住在不去不住處便是山鬼窟所以打破如比商量正是鬼窟且道係福打伊意作麼生

○師問僧什麼處來曰江西師曰幸得底那曰
拈不出師曰作麼生法眼別去護語僧无對
○師幸洞山真贊去徒觀紙与墨不是山中人
僧問如何是山中人師曰汝試遞掠看曰若
不點兒我成遞掠師曰汝是點兒曰和尚是
什麼心行師曰來言不豐

○師見僧數錢乃展手曰乞我一文曰和尚因
何到恁麼地師曰我到恁麼地曰若到恁麼
地將取一文去師曰汝為何到恁麼地

○師問僧什麼處來曰江西觀音師曰還見觀
音麼曰見師曰左邊見右邊見曰見時不墜

左右法眼別云如和尚見

○問如何是入火不燒入水不溺師曰若是水
火即被燒溺

○師問飯頭鑊澗多少曰和尚試量看師以手
作量勢曰和尚莫謾么甲師曰却是汝謾我
○問欲達无生路應須識本源如何是本源師
良久却問侍者適來僧問什麼其僧拜師
乃喝出曰我不患聾

○問孝人近入叢林乞師全示入路師曰若教
全示我却禮拜汝

○師見一僧乃曰汝作什麼業來得恁麼長大

曰和尚短多少師躡身作短勢僧曰和尚莫
謾入好師曰却是汝謾我

師令侍者屈隆壽長老云但獨自來莫將侍
者來壽曰不許將來爭解離得師曰大殺恩
愛壽无對師自代曰更謝和尚上足傳示

師任保福僅一紀李眾常不下七日其接機
利物不可備錄

閩帥礼重為奏命服

唐天成三年戊子示有微疾僧入丈室問訊
師謂之曰吾与汝相識年深有何方術相救
僧曰方術甚有聞說和尚不鮮忌口法灯別

去和尚鮮忌口麼

又謂眾曰吾旬日來氣力困劣別無他只是
時至僧時既至矣師去即是住即是師曰道
曰恁麼即么甲不敢造次師曰失錢遭罪言
訖跏趺告寂即三月二十一日也

泉州睡龍山道溥號弘教大師

福州福唐人也姓鄭氏宝林院受業自雪峯
印心住五峯

上堂曰莫道空山無祇待便歸方丈

僧問凡有言句不出大千頂未審頂外事如
何師曰凡有言句不是大千頂曰如何是大

千頂師曰摩醯首羅天猶是小千界

○問初心後孝近入叢林方便門中乞師指示師敲門枋僧曰向上還有事也無師曰有曰如何是向上事師再敲門枋

杭州龍興宗靖禪師

台州人也初參雪峯密承宗印乃自誓克飯頭服勞逾一晝宿於眾堂中祖一膊釘簾雪峯觀而記曰汝向後任持有千僧其中無一人衲子也師悔過辭歸故里住六通院錢王命居龍興寺有眾千餘唯三季講誦之徒果如雪峯所誌

○周廣順初年八十一錢王請於奔之大殿演無上乘黑白駢擁

○僧問如何是六通奇特之唱師曰天下幸去

○問如何是六通家風師曰一條布袖一斤有餘

○問如何是孝人進前一路師曰誰敢謾汝曰豈無方便師曰早是屈抑也

○問如何是和尙家風師曰早朝粥齋時飯曰更請和尚道師曰老僧困曰畢竟作麼生師大笑而

○錢王特加禮重屢延入府以始住院署六通

大師顯德元年甲寅十二月示寂壽八十四
塔于大慈山

福州南禪契璠禪師

師上堂曰若是名言妙句諸方揔道了也今日眾中還有超第一義者致得一句麼若有即不辜於人時有僧問如何是第一義師曰何不問第一義曰見問師曰已落第二義也

○問古佛調曲請師和師曰我不和汝雜亂底曰未審為什麼人和師曰什麼處去來

越州諸暨縣越山師飛號紫真禪師
初參雪峯而染指後因闍王請於清風樓

坐久卒目忽覩日光豁然頓曉而有偈曰

清風樓上赴官齋 此日平生眼豁開

方識普通年遠事 不從葱嶺路將來

歸呈雪峯雪峯然之

○僧問如何是佛身師曰汝問那個佛身曰釋

迦佛身師曰舌覆三千界

○師臨終時集眾示一偈曰

眼光隨色盡

耳識逐聲消

還源無別旨

今日與明朝

偈畢跏趺而逝

南岳金輪可觀禪師

福州福唐人也姓薛氏依石佛寺齊合禪師
披剃戒度既圓便參雪峯峯曰近前師方近
前作礼峯峯足蹋之師忽然真契師事十二
年復歷叢林止南岳法輪峯

師上堂謂眾曰我在雪峯遭他一踏直至如
今眼不開不知是何境界

○僧問如何是西來意師曰不是

○大衆夜參後下堂師召曰大衆眾回首師曰

看月大衆看月師曰

月似彎弓少雨多風眾無對

○問古人道毗盧有師法身有主如何是毗盧

盧師法身主師曰不可牀上安牀

○問如何是日用事師拊掌三下僧曰李人來
領此意師曰更待什麼

○問從上宗乘如何為人師曰我今日未喫茶
曰請師指示師曰過也

○問正則不問請師傍指師曰抱取猫兒去

○師問僧什麼處來曰華光師即托出閉却門
僧無對

○問路逢達道人
不將語默對未審將何對師
曰咄出去

○師問僧作麼生是觀面事曰請師鑒師曰恁

麼還當麼曰故為即不可師曰別是一着

○問如何是靈源一路師曰蹋過作麼

○雪峯院主有書來招師曰山頭和尚年尊也
長老何不再入嶺一轉師迴書曰待山頭和
尚別有見解即入嶺

有僧問如何是雪峯見解師曰我也驚

泉州福清院玄訥禪師

高麗人也初住福清道場傳象骨之燈李若

歸慕

○泉守王公問如何是宗乘中事師叱之

○僧問如何是觸目菩提師曰闍梨失却半年

糧曰為什麼失却半年糧師曰只為圖他一
斗米

○問如何是清淨法身師曰蝦蟇曲蟻

○問教云唯一堅密身一切塵中現如何是堅
密身師曰馱馬猫兒曰乞師指示師曰馱馬
也不會

○問如何是物物上卞明師展一足示之

○師住福清三十年大闡玄風終於本山

韶州雲門山文偃禪師

姑蘇嘉興人也姓張氏初參睦州陳尊宿發
明大旨後造雪峯而益資玄要因載罽混眾

于韶州靈樹敏禪師法席居第一座敏將滅
度遺書於廣王請接踵住持師不忘本以靈
峯為師

開堂日廣王親臨問曰弟子請益師曰目前
無異路法眼別云不可无益於人師曰莫道
今日謾諸人好抑不得已向諸人前作一場
狼籍忽遇明眼人見謂之一場笑具如今亦
不能避得也且問你諸人從上來有什麼事
欠少什麼向你道无事亦是謾你也須到這
田地始得亦豈稱口乱問自己心裏黑漫、
地明朝後日大有事在你若是根性遲迴且

向古人建化門庭東觀西觀看是个什麼道
理汝欲得會麼都緣是汝自家无量劫來妄
想濃厚一期聞人說着便生疑心問佛問祖
向上向下覓求解會轉沒交涉擬心即差况
復有言莫是不擬心是麼更有什麼事珍重
。師上堂云我事不獲已向諸人道直下无
事早是相埋沒了也你諸人更擬進步向前
尋言逐句求覓解會千差万巧廣設問難只
是贏得一場口滑去道轉遠有什麼休歇時
此个事若在言語上三乘十二分教豈是无
言語因什麼更道教外別傳若從孝解機智

得只如十地聖人說法如雲如雨猶被呵責見性如隔羅縠以此故知一切有心天地懸殊雖然如此若是得底人道火不可燒終日說事不曾挂著唇齒未曾道著一字終日著衣喫飯未嘗觸著一粒米挂一縷線雖然如此猶是所疑之說也須實得恁麼始得若約衲僧門下句裏呈機徒勞作思直饒一句下承當得猶是瞌睡漢

師云三乘十二分教橫說豎說天下老和尚踏橫十字說与我捻針鋒說底道理來看恁麼道早是死馬醫雖然如此且有我个到此

境界不敢望汝言中有響句裏藏鋒瞬目于差風恬浪靜伏惟尚享珍重

○師上堂云諸兄弟凡是諸方參尋知識決擇生死到处豈無尊宿垂慈方便之詞還有透不得底句麼出來奉看老漢大家共你商量時有僧出來禮拜擬奉次師云去去西天路迢迢十方餘

○問孝人簇簇地商量个什麼師云大眾父立師云奉一則語教汝直下承當早是撒尿著汝頭上直然拈一毫頭尽大地一時明得也是剜肉作瘡雖然如此汝亦須實到這個田

地始得若未切不得掠虛却退步向自己根
脚下推尋看是个什麼道理實無絲髮與汝
作解會與汝作疑惑汝等各各且當入一段
事大用現前更不煩汝一毫頭氣力使與祖
佛無別自是諸人信根淺薄惡業濃厚突然
起得許多頭角擔鉢囊千鄉万里受屈且汝
諸人有什麼不足處六丈夫漢阿誰無分觸
目承當得猶是不著便不可受人欺謾取人
處分才見老和尚動口便好把特石驀口塞
便是屎上青蠅相似鬪競接將去三个五个
聚頭地商量若屈兄弟他古德一期爲你諸

人不奈何所以方便垂一言半句通汝入路
這般事捨放一邊獨自著些子筋骨豈不是
有少許相親處快與快與時不待人出息不
深入息更有什麼身心別處閑用切須在意
在意珍重

○師去尽乾坤一時把將來着汝眼睫上你諸
人聞恁麼道不敢望你出來性燥把老漢打
一掴且緩緩子細看是有是無是个什麼道
理直饒向這裏明得若遇衲僧門下好挫折
兩腳汝若是个人間說道什麼處有老宿出
世便好驀面唾汚我耳目汝若不是个脚手

才聞人幸便當荷得早落茅二機也汝且看
他德山和尚才見僧上來拽拄杖便打趁睦
州和尚才見僧入門來便去見成公案放汝
三十棒自餘之輩合作麼生若是一般掠羞
漢食人涎唾記得一堆一擔骨幢到處馳騁
駟唇馬鬣誇我解開十轉五轉話饒你從朝
問到夜論却恁麼還曾夢見也未什麼處是
與人着力處似這般底有人屈袖僧齋也道
我得飯喫堪什麼共語他日閻羅王面前不
取你口解說諸兄弟若具得底人他家依眾
遣日若也未得切莫容易過時大須子細

○古人大有葛藤處即如雪峯和尚道尽大地
是汝夾山云百草頭上薦取老僧開市中識
取天子樂普云一塵才幸大地全收一毛頭
師子全身總是汝把取翻覆田量日久歲深
自然有個人入路此事无你替代處莫非各在
當人分上老和尚出世只是為你證明汝若
有少許來由且昧你亦不得你若實未得方
便撥汝則不可兄弟一等是蹋破草鞋拋却
師長父母行脚直須着些子精彩始得實若
有個人頭處遇着咬猪狗脚手不惜性命入
泥入水相為有可咬嚼眼上眉毛高挂鉢囊

拗折拄杖十年二十年辦取徹頭莫愁不成
辦直是今生未得徹頭來生亦不失人身向
此个門中亦乃省力不虛辜負平生亦不辜
負師長父母十方施主直須在意莫空遊州
嶺縣橫擔拄杖一千二千里走赴這邊經冬
那邊過夏好山水堪取性多齋供易得衣鉢
若屈啣他一粒米失却半年粮如此行脚有
什麼利益信心檀越把菜粒米作麼生消得
直須自看時不待人忽然一日眼光落地前
頭將什麼抵擬莫一佶落湯螃蟹手脚忙亂
無住掠虛說大話處莫將等閑空過時光一

失人身万劫不復不是小事莫據目前俗子
尚道朝聞道夕死可矣况我沙門日夕台履
个什麼事大須努力努力珍重

○師去汝等沒可作了見人道着祖意便問个
超佛越祖之談汝且喚那个為佛那个為祖
且說个超佛越祖底道理問个出三界你把
將三界來看有什麼見聞竟知隔碍著你有
什麼声色可与你了了什麼碗以阿那个為
差殊之見他古聖不柰何橫身為物道个幸
体全真物、觀体不可得我向你道直下有
什麼事早是相埋沒了也實未有入頭處且

中私獨自參詳除却著衣喫飯阿屎送屎更有什麼事无端起得許多妄想作什麼更有一般底恰似等閑相似聚頭李得个古人話路識性記持妄想千度道我會佛法了也只管說葛藤取性過時更嫌不稱意千鄉万里拋却老爺娘師長和尚作這般底去就這打野狸漢有什麼死急行脚

師上堂云故知時運澆醜迫于像季近日師僧比去礼文殊南去遊衡嶽若無麼行脚名字比丘徒消信施苦哉苦哉

○問著黑似漆相似只管取性過時設使有三
个两个枉李多聞記持話路到处覓相似言語印可老宿輕忽上流作薄福業他日閻羅王釘你之時莫道無入向汝說若是初心後李直須著精神莫空記入說多虛不如少實向後只是自賺有什麼事

師上堂大衆雲集師以拄杖指面前去乾坤大地微塵諸佛摠在裏許爭佛法各覓勝負還有人諫得麼若無人諫得待老漢與你諫時有僧出云便請和尚諫師云這野狐精○師云汝等傍家行脚皆是河南海北各各尽有生緣所在還自知得試出來看看老漢與

汝證明有麼有麼出來汝若不知老漢謾你去也汝欲得知若生緣在北北有趙州和尚五臺山有文殊揔在這裏若生緣在南南有雪峯卧龍西堂鼓山揔在裏許汝欲得識麼向這裏識取若不見亦莫掠虛見麼見麼且看老僧騎併殿出去了珍重

○師上堂云天親菩薩無端變作一條柳樛木杖乃畫地一下去塵沙諸併及向這裏葛藤

師下堂

○師云我看你諸人二三機中不能構得空披衲衣何益汝還會麼與你注破以後諸方若

見老僧峯一指豎一拂子去是禪是道拄破打破頭便行若不如是是天魔眷屬壞滅吾宗汝若不會且向葛藤社裏看我尋常向汝道微塵刹土三世諸佛西天二十八祖唐土六祖及在拄杖頭上說法神通變化感應十方一任縱橫你還會麼若不會且莫掠虛然雖據實實是諦見也未直饒到此田地未審夢見衲僧沙弥在三家村裏不逢一人師驀起以拄杖劃地一下去揔在這裏又劃一下云揔從這裏出去也珍重

○師上堂云和尚子衲僧直須明取衲僧鼻孔

且作麼生是衲僧鼻孔衆皆無對師去摩訶
般若波羅密今日大普請下去

○師上堂去諸和尚子饒你道有什麼事猶是
頭上著頭靈上加霜棺木裏撐眼灸瘡盤上
着艾燄這個一場狼籍不是小事你合作麼
生各自覓取个托生处好莫空遊州獵縣只
欲担擱閑話待老和尚口動便問禪問道向
上向下如何若何大卷抄了塞在皮袋裏卜
度到处火爐邊三个五个聚頭口喃喃拳更
道這是公才語這個是從裏道出這個是就
事上道這個是体語体你屋裏老爺老娘囉

却飯了只管說夢便道我會佛法了也將知
你行脚馱年得个休歇麼更有一般底牙間
人說个休歇处便向陰界裏閉眉合眼老鼠
孔裏作活計黑山下坐鬼窟裏体當便道得
个入頭路夢見麼似這般底打殺一万个有
什麼罪過喚作打底不遇作家至竟只是个
掠虛漢你若实有个見处試捻来看共你商
量莫空不識好惡矻矻地聚頭說閑葛藤莫
教老漢見捉未勘不相當槌折脚莫道不道
你還皮下有血麼到处自受屈作麼者滅胡
種尽是野狐群隊摠在這裏作麼以拄下一

時赴下

○問如何是佛法大意師曰春來草自青

○問新羅僧將什麼物過海曰草賊敗也師引
手曰汝為什麼在我手裏曰恰是師曰更跨
跳一下

○問牛頭未見四祖時如何師曰家家觀音佛
曰見後如何師曰火裏雖喫吞大蟲

○問如何是雲門一曲師曰臘月二十五

○問如何是雪嶺泥牛吼師曰天地黑曰如何
是雲門木馬嘶師曰山河走

○問從上未事請師提綱師曰朝看東南暮看

西北曰便恁麼領會時如何師曰

東屋裏點灯西屋裏暗坐

○問十二時中如何即得不空過師曰向什麼
處着此一問曰孝人不會請師率師曰將筆
硯來僧乃取筆硯來師作一頌曰

率不顧 即差互 擬思量 何劫悟

○問如何是孝人自己師曰游山翫水曰如何
是如和尚自己曰賴得維那不在

○問一口吞尽時如何師曰我在汝肚裏曰和
尚為什麼在孝人肚裏師曰還我話頭來又
○問如何道師曰去曰孝人不會請師道師曰

閻梨公憑分明何得再判

○問生死到來如何排遣師展手曰

還我生死未

○問如何是父母不聽不得出家師曰淺曰孝人不會師曰深

○問如何是孝人自己師曰汝怕我不知

○問万機俱及時如何師曰與我拈却佛殿未

共波商量曰佛殿豈關他事師曰這謾語漢

○問如何是教化別傳一句師曰對衆問將來

曰直得恁麼時如何師曰照從何立

○問如何是和尚家風師曰門前有讀書人

○問如何是透法身句師曰北斗裏藏身

○問如何是西來意師曰久雨不晴又曰

粥飯氣

○問古人橫說豎說猶未知向上一闕挨子如

何是向上一闕挨子師曰西山東嶺青

○問如何是西來意師曰河裏失錢河裏漉

○師有時坐良久僧問何似釋迦當時師曰大

衆久立快礼三拜師嘗有頌曰

雲門聳峻白雲低

水急遊魚不敢棲

入戶已知來見解

何煩再奉轆中泥

問如何是南臺境師曰不知貴曰畢竟如何
師曰閩梨即今在什麼處

○師後迁住本郡鎮境寺而終

泉州東禪和尚

初開堂僧問仁王迎請法王出世如何提唱
宗乘即得不謬於祖風師曰還柰得麼曰
若不下水焉知有魚師曰莫閉言語

○問如何是佛法最親切處師曰過也

○問孝人末後來請師最先句師曰什麼處來

○問如何是孝人已分事師曰苦

○問如何是佛法大意師曰幸自可憐生剛受

異鄉邑

餘杭大錢山從龍禪師

雪峯之上足也自本師印解洞曉宗要常曰
擊闕南鼓唱雪峯歌後入浙中謁錢王王欽
服道化命居此山而闡法焉

○僧問不因王請不因眾聚請師直道西來的
的意師曰那僧師僧過這邊着曰孝人不會
乞師指示師曰爭得恁麼不識好惡

○問閉門造車出門合轍如何是閉門造車師
曰造車即不問汝作麼生是轍曰孝人不會
乞師指示師曰巧匠施工不露斤斧

福州永泰和尚

問承聞和尚見虎是否師作虎舌僧作打勢
師曰這死漢

○問如何是天真佛師乃拊掌曰不會不會
池州和龍山壽昌院守訥號妙空禪師

福州閩縣人也姓林氏受業於古田壽峯

○問未到龍門如何湊泊師曰立到難存

○有新到僧參師問近離什麼處曰不離方寸
師曰不易來僧亦曰不易來師與一掌

○問如何是傳底心師曰再三囑汝莫向人說

○問如何是送上宗乘師曰還向閨梨口裏着

得麼

○問省要處請師一接師曰甚是省要

建州夢筆和尚

問如何是佛師曰不誑汝曰莫便是否師曰
汝誑他

○閩王請師齋問和尚還將得筆來也無師曰
不是稽山綉管慳非月裏兔毫大玉既垂頤
問山僧敢不通呈

又問如何是法王師曰不是夢筆家風

福州古田極樂元儼禪師

問如何是極樂家風師曰滿目看不盡

○問方法本無根未審教孝人承當什麼師曰
莫癡語

○問久處暗室未達其源今日上來乞師一接
師曰莫閉眼作夜好曰恁麼即優曇華坼曲
為今時向上宗風如何垂示師曰汝還識也
無曰恁麼即息疑去也師曰莫向大眾窺語
○問摩騰入漢即不問達磨來梁時如何師曰
如今豈謬曰恁麼即理出三乘華開五葉師
曰說什麼三乘五葉出去

福州芙蓉山如體禪師

僧問如何是古人曲調師良久曰聞麼曰不

聞師示一頌曰

古曲發聲雄

今時韻亦同

若教第一指

祖佛尺迷蹤

洛京憇鶴山和尚

栢谷長老來訪師曰太老去也谷曰還我不
老底來師与一拈

○問駿馬不入西秦時如何師曰向什麼處去
潭州瀉山樓禪師

○問正恁麼時如何親近師曰汝擬作麼生親
近曰豈無方便門師曰開元龍興大藏小藏
○問如何速疾神通師曰新衣成敝帛

○問如何是黃尋橋師曰賺却多少人
○問不假切切如何是和尚家風師曰莫作野
牛声

吉州潮山延宗禪師

資福和尚來謁師下禪床接資福曰和尚住
此山幾年也師曰鈍鳥棲蘆困魚止箔曰恁
麼即真道人也師曰且坐喫茶

○問如何是潮山師曰不宿處曰如何是山中
人師曰石上種紅蓮

○問如何是和尚家風師曰切忌犯朝儀

益州普通山普明大師

○問如何是佛性師曰汝無佛性曰蠢動含靈
皆有佛性奪人為何却無師曰為汝向外求
○問如何是玄玄之珠師曰這個不是曰如何
是玄玄珠師曰失却也

隨州双泉山梁家庵永禪師

○問達磨九年面壁意如何師曰睡不着

○護國長老來師曰隨陽一境是男是女各申
一問問問各別長老將何祇對護國以手空
中畫一圓相師曰謝長老慈悲曰不敢低頭
不顧

○問如何得頓息諸緣去師曰雪上更加霜

漳州保福院超悟禪師 第二世住

問魚未透龍門時如何師曰養性深潭曰透
出時如何師曰才昇霄漢衆類難追曰昇後
如何師曰慈雲普護潤及大千曰還有不受
潤者無師曰有曰如何是不受潤者師曰直
杭撐太陽

太原孚上座

編歷諸方名聞宇內嘗游浙中登徑山法會
一日於大佛殿前

有僧問上座曾到五臺否師曰曾到曰還見
文殊麼師曰見曰什麼處見師曰徑山佛殿
前見其僧後至雪峯峯似峯曰何不教伊入
嶺來

師聞乃促裝而返初上雪峯解院慈錫因分
甘子與僧長慶稜和尚問什麼處將來師曰
嶺外將來曰遠涉不易擔負得來師曰甘子
甘子方上

叅雪峯禮拜訖立于坐右峯才顧視師便下
看王事

異日雪峯見師乃指日示之師搖手而出峯
曰汝不肯我師曰和尚搖頭么甲擺尾什麼
處不肯和尚曰到處也須諱

却一日晚參峯在中庭卧師曰五州管内只有這和尚較此子峯便起去

峯嘗問師曰見說臨濟有三句是否師曰是作麼生是第一句師舉目視之峯曰此猶是第二句如何是第一句師叉手而退自此雪峯深器之

室中印解師資道成師更不他遊而掌浴室。一日玄沙上問訊雪峯曰此間有个老鼠子今在浴室裏玄沙曰待与和尚勘破言訖到浴室遇師打水玄沙曰相看上座師曰已相見了玄沙曰什麼劫中曾相見師曰瞌睡作

麼玄沙却入方丈白雪峯曰已勘破了峯曰作麼生勘伊玄沙峯前語峯曰汝著賊也

。鼓山晏和尚問師父母未生時鼻孔在什麼處師曰老兄先道晏曰如今生也汝道在什麼處師不肯晏却問作麼生師曰將手中扇子來晏与扇子并徵之師默置晏罔測乃毆之一拳

。師在庫立有僧問如何是觸目菩提師踢狗子作声走僧無對師曰小狗子不消一踢

。師未出世諸方目為太原孚上座終于維揚南嶽般舟道場寶聞大師

惟勁福州人也素持苦行不衣緇纒惟壞衲以度寒暑時謂頭陀焉

○初叅雪峯深入淵奧復問法玄沙之席心印符會一日

○謂鑒上座曰聞汝注楞嚴經鑒曰不敢師曰二文殊汝作麼生注曰請師鑒師揚袂而去

○唐光化中入南岳任報慈東藏亦号三生藏

藏中有鏡灯一座即華嚴第三祖賢首大師之所製也師覩之頓喻廣大法界重帝網之門佛佻羅光之像因美之曰此先哲之奇功苟非具不思議善權之智何以剗焉乃著

五字頌五章覽之者悟理事相融後終南嶽師於梁開平中撰續寶林傳四卷紀貞元之後禪門繼踵之源流也又製七言竟地頌廣明諸教緣起別著南嶽高僧傳皆流傳于世

萬僧問答景德傳燈全錄卷之十九

萬僧問答景德傳燈全錄卷之二十

福州東禪慧空大師藏本

古汴景德道原大師纂集

古建香山圓智居士抄刊

洪州雲居山道膺禪師法嗣

杭州佛日和尚

初遊天台山嘗曰如有人奪得我機者即我師矣

○尋抵于江西謁雲居膺和尚作禮而問曰二龍爭珠誰是得者居曰卸却業身來相見師

曰業身已卸曰珠在什麼處師無對同安代
云回頭即勿交師乃投誠入室便禮雲居
為師

○後叅夾山才入門見維那維那曰此間不著
後生師曰公甲暫來禮請和尚不宿維那曰
夾山夾山許見未陞階便問什麼處來師曰
雲居來曰即今在什麼處師曰在夾山頂上
曰老僧行年在坎五鬼臨身師乃上階禮拜
夾山又問闍梨與什麼人為同行師曰木上
座曰他何不來相看師曰和尚看他有分曰
在什麼處師曰在堂中夾山便共師下到堂

中師遂去取得拄杖擲于夾山面前山曰莫
從天台得來否師曰非五岳之所生曰莫從
須彌山得來否師曰月宮亦不逢曰恁麼即
從他人得也師曰自己尚是怨家從人得堪
作什蘇曰冷灰裏有一粒豆于爆喚維那來
令安排向明窗下著

師却問灯笼還解語也无夾山曰待灯笼解
語即向汝道至

明日夾山入堂問昨日新到上座在什麼處
師出應諾夾山曰子未到雲居已前在什麼
處師曰天台國清山曰天台有講人之瀑涼

錄之波謝子遠來子意如何師曰父若若不
挂松蘿山曰猶是春意秋意如何師良久曰
曰看君只是撐船漢終歸不是弄潮人

○一日大普請維那請師送茶師曰么甲為佛
法未不為送茶未維那曰和尚教上座送茶
曰和尚尊命即得乃將茶去作務處搵茶椀
作立夾山回頭師曰臘茶三五椀意在饅頭
邊山曰餅有傾茶意籃中幾個餅師曰餅有
傾茶意籃中无一餅便傾茶行之時大眾皆
奉目師又問曰大眾鶴望請師一言山曰路
逢死蛇休打殺无底籃兒盛將歸師曰山

夜明符幾个知天曉夾山曰大眾有人歸去
歸去從此住普請歸院眾皆仰歎
師後迴浙西住佛日而終

蘇州永光院真禪師

上堂謂眾曰言鋒若差鄉關万里直須懸崖
撒手自肯承當絕後再甦斯君不得非常之
○有人為瘦哉

○問道无橫徑立者皆危如何得不被橫徑所
侵云師以拄杖擡口拄僧曰此猶是橫徑師
曰合取

洪州鳳樓山同安丕禪師

問如何是无縫塔師曰吽吽曰如何是塔中
人師曰今日大有人從建昌來

○問一見便休去時如何師曰是也更來這裏
作麼

○問如何是點額魚師曰不透波瀾曰漸聖時
如何師曰然不仰面曰恁麼即不変其身也

師曰是也青雲事作麼

○問如何是和尚家風師曰金雞抱子歸曹溪
玉兔懷兒向紫微曰忽遇客來將何祇待師
曰金粟朝來袞去摘玉花晚後鳳銜歸
○問逢逢逢道人將語默對未審將什麼對

師曰要踢要拳

○問不傷王道如何師曰喫粥喫飯曰莫便是
不傷王道也無師曰迂流左降

○問玉印開時何人受信師曰不是恁麼人曰
親宮事如何師曰道什麼

○問如何是毗盧師師曰闍梨在什麼處出家

○問如何是觸目菩提師曰面前佛殿

○問片玉无瑕請師不觸師曰落汝後

○問玉印開時何人受信師曰不是小小

○問如何是妙旨師曰好

○問迷頭認影如何止師曰告阿誰曰如何即

是師曰從人負師轉遠也曰不從人負時如何師曰頭在十處處

○問如何是同安一隻箭師曰腦後看曰腦後事如何師曰過也

○問亡僧衣衆人唱祖師衣什麼人唱師曰打

○問將來不相似不將來時如何師曰无看処

○問未有這个時你麼生行李師曰尋常又作

○麼生曰你麼即不改舊時人師曰作何行李
廬山歸宗寺遺權禪師 第二世住
問金雞未鳴時如何師曰失却威音古曰鳴
後如何師曰三界平沈

○問盡身供養時如何師曰將得什麼來曰所
有不惜師曰供養什麼人僧無語

○問孝人為佛法來如何是佛法師曰正閑空
曰便請商量師曰周匝有餘

○問大衆雲集合談何事師曰三三兩兩

○問路逢達道人不將語默對未審將什麼對
師曰爭能肯得人又曰會麼曰不會師曰長
安路則坑子

○問孝人不問諸餘如何是佛法大意師曰三
加五棒

○問通通會底人如何道師曰只今事你麼生

曰隨流師曰不隨流爭得息

池州廣濟和尚

問及馬單槍時如何師曰頭落也

○問如何是方外之談師曰汝道什麼

○問如何是廣濟水師曰無飢渴曰恁麼即孝

人不虛設也師曰情知你受人安排

○問遠來投乞師指示師曰有口只解喫飯

○問溫伯與仲尼相見時如何師曰此間無杆

麼人

○問不識不見請師道出師曰不昧曰不昧時

作麼生師曰汝喚作什麼

潭州水西南臺和尚

僧問如何是此間一滴水師曰入口便獲出

○問如何是西來意師曰靴頭線綻

○問祖祖相傳不知傳个什麼師曰

不因關梨問老僧亦不知

歙州朱谿謙禪師

饒州刺史与師造大藏殿師与一僧同看殿

次師喚么甲僧應諾師曰此間看得多少佛

曰著即不無有人不肯師曰我不問這人

曰恁麼即么甲未嘗我對珍重

後歸兜率山而終

揚州豐化和尚

問如何是敵國一者某師曰下來

。問一棒打破虛空時如何師曰把一片來

。問上無片瓦下無卓錫令人向什麼處立師

曰莫點露麼

雲居山昭化禪師 第二世住

道簡范陽人也又入雲居之室密授真印而
分掌寺務典司樵爨以臘高居堂中為第一
座屬雁和尚將臨順寂主事僧問誰堪繼嗣
曰堂中簡主事僧雖承言而未曉其旨謂之
棟樑乃與眾僧會議奉第二座為化主然且

備禮先讀第一座必若謙讓即堅請第二座
為時簡師既承師記略不辭免即自持道
具入方丈攝眾演法主事僧等不愜素志因
循規式師察其情乃棄院潛下山其夜山神
號泣詰曰主事大衆奔至來在悔過哀請歸
院眾聞山神連聲唱云和尚未也

。僧問如何是和尚家風師曰隨處得自在

。問維摩豈不是金粟如來師曰是曰為什麼
却須釋迦會下听法曰他不爭人我

。問橫身蓋覆時如何師曰還蓋覆得麼

。問蛇子為什麼却吞蛇師曰在裏不傷

○問諸聖道不得處和尚還道得麼師曰汝道什麼處諸聖道不得

○問路逢猛虎時如何師曰千人万人不逢偏汝便逢

○問孤峯獨宿時如何師曰七間僧堂不打睡阿誰教汝獨峯獨宿

○師示滅後房州師張崇施財建石塔於本山至今存焉

房州歸宗寺懷惲禪師 第三世在

○問無佛无衆生時如何師曰什麼人如此

○問水清魚現時如何師曰把一個耒僧无耒

同安代云動即失

○問如何是五老峯師曰突屹地

○問截水停輪時如何師曰磨不轉曰如何是磨不轉師曰不住輪

○問如何是塵中子師曰灰頭土面同安代去不拂拭

○問世尊不說說迦葉不聞聞事如何師曰正恁麼時你麼生曰不同無聞說師曰是何人

○問孝人不到處請師說師曰汝不到什麼處

洪州大善惠海禪師

問不坐青山時如何師曰是什麼人

○問如何是解作客底人師曰不占上

○問雲泉忽逢時如何師曰從什麼處來

○問如何道即不違於師師曰莫惜口曰道後如何師曰道什麼

○問如何道得相親去師曰快道曰甚麼即不道也師曰用口作什麼

○師後住百文而終

朗州德山和尚 第七世住

問路逢達道人 不將語默對未審將什麼對
師曰只恁麼僧良久師曰汝更問僧再問師
乃喞出

衡州南嶽南臺和尚

問直上融峯時如何師曰見麼

雲居山昌禪師 第三世住

問相逢不相識時如何師曰既相逢為什麼
不相識

○問紅炉猛燄時如何師曰裏頭是什麼

○問不受商量時如何師曰未作什麼曰來亦
不商量師曰空來何益

○問方丈前容身時如何師曰汝身大小

池州菴山章禪師

曾在投子作柴頭投子喫茶次謂師曰森羅

万象揔在這一椀茶裏師便覆却茶云森羅
万象在什麼處投子曰可惜一椀茶

師後謂雪峯和尚雪峯問莫是雪峯頭麼師
乃作輪推勢雪峯肯之

晉州大梵和尚

僧問如何是孝人頭望處師曰非瓦堅高樓
曰恁麼即超然也師曰何不擺手

新羅雲在和尚

問諸佛道不得什麼人道得師曰老僧道得
曰諸佛道不得和尚作麼生道師曰諸佛是
我弟子曰請和尚道師曰不對君王好與二

十棒

雲居山懷立號慧空禪師 第四世注

問如何是大圓鏡師曰不駁照曰忽遇四方
八面來公麼生師曰胡來胡現曰大好不駁
照師便打

吟珙和尚

問孝人不負師幾還免披毛帶角也無師曰
闍梨也可畏對面不相識曰恁麼即吞尽百
川水方明一黑心師曰雖脫毛衣猶帶鱗甲
曰好來和尚具大慈悲師曰只力道也出老

僧格不得

前撫州曹山本寂禪師法嗣

撫州小玄悟大師荷玉

光慧初住龍泉上堂謂眾曰雪峯和尚為人如金翅鳥入海取龍相似時有僧問和尚如何師曰什麼處去來

○問如何是西來的的意師曰闍梨不禮拜更待何時

○問如何是密傳底心師良久僧曰甚麼即徒勞側耳師喚侍者云來燒火煮

○問古人道若記一句論劫作野狐精未審古

人意如何師曰龍泉僧堂未曾錯曰和尚如何師曰風吹耳尔

○問路逢猛獸時如何師曰慙作麼

○問如何是堯前一句師曰恰似不道

○問古人云如紅爐上一點雪意旨如何師曰惜取眉毛好

○問如何指示即得不昧於時中師曰不可雪上更加霜曰甚麼師曰全因和尚去也師曰因什麼

○問如何履踐即得不昧於家風師曰須道龍泉好否曰請和尚李師曰却憶鐘期

○問古人道生也不道死也不道意如何師良久僧禮拜師曰會麼曰不會師曰也是厨寒甌足塵

○師有時拈拄杖示衆曰從上皆留此一路方便接人時有僧出曰和尚又是從頭起也師曰謝相悉

○問機關不轉請師管量師曰囉得我口麼

○問如何是文殊師曰不可有第二月出曰即今事如何師曰正是第二月

○問如何是如來語師曰猛風可纏縛

○問如何是妙明真性師曰寬二莫搯損

○師上堂良久有僧出曰為衆竭力禍出於門未審放過不放過師默然

○問如何是和尚為人一句師曰汝是九色鹿

○問抱璞投師時如何師曰不是自家珍曰如何是自家珍師曰不琢不成琢

筠州洞山道延禪師 第四世住持号鹿頭和尚

始因曹山和尚垂語云有一人向方丈屋頭

騰身擲下此是什麼人衆曰自是對師出對曰

不存曹山曰不存个什麼曰始得璞不碎曹

山深肯之

○僧問請和尚密符真心師曰其這裏無人

衡州常寧縣育玉山弘通禪師

僧問混沌未分時如何師曰混沌僧去分後如何師曰混沌

○上堂示衆曰釋迦如來出世四十九年說不到底句今夜某甲不避羞耻與諸尊者共談師良久云莫道錯珍重

○僧問孝人有病請師醫師曰將病來與文醫曰便請師醫師曰還老僧藥價錢來

○問曾源一路即不問潯陽江畔事如何師曰紅炉船上无根草碧潭深处不逢魚

○問心法及十二時如何師曰三脚蝦蟆背大象

○問如何是西來意師曰老僧毛髮

○問如何是佛法大意師曰直待文殊過即向你道曰文殊過也請和尚道師便打

○問如何是和尚家風師曰渾身不直五分錢曰太焦貧寒生師曰古代如是曰如何施設師曰隨家豐儉

撫州金峯從志號玄明大師

有進上座問如何是金峯正主師曰此去鎮縣不遠闍梨莫造次進曰何不道師曰口似

○問于峯乃峯如何是金峯師乃斫額而已

問千山無雲万里絕霞時如何師曰飛猿嶺
那邊何不猛吐

○問如何是西來意師曰壁邊有鼠耳

○問如何是和尚家風師曰金峯門前無五里
牌師後住金陵報恩院入滅蓋圓廣禪師

塔曰歸寂

襄州鹿門山華嚴院真禪師

○問如何是和尚家風師曰有益無醋

○問如何是道人師曰有口似鼻孔曰忽遇客
來時將何祇對師曰柴門草戶謝汝經過

○問祖祖相傳是什麼物師曰金襴袈裟

○問如何是函中般若師曰佛殿挾頭六百卷

○問和尚百年後向什麼處去師曰山下李家
使牛去曰還許孝人相隨也無師曰汝若相

隨莫同頭角曰諾師曰合到什麼處曰佛眼
卡不得師曰若不放過亦是茫茫

○問如何是鹿門高峻處師曰汝還曾上主山
也無

○問如何是禪師曰鷲鳳入雞籠曰如何是道

師曰藕絲牽大象

○問劫壞時此个更壞也無師曰臨崖觀虎眼
特地一場愁

○問如何是和尙轉身處師曰昨夜三更失却
梳子

○問一句下豁然時如何師曰汝是誰家生
○師有一偈示衆曰

一片森然光燦爛 擬意追尋卒難見

炳然擲着豁人情 大事分明皆惚辦

是快活 無繫絆 万兩黃金終不換

任他千聖出頭來 從是向渠影中現

撫州曹山慧震了悟大師 第二世住先住荷玉山

問佛未出世時如何師曰曹山不如曰佛出
世後如何師曰不如曹山

○問四山相逼時如何師曰曹山在裏許曰還
求出也無師曰若在裏許只求出

○僧侍立師曰道者可殺炎熱曰是師曰只如

炎熱向什麼處回避得曰向鑊湯爐炭裏回

避師曰只如鑊湯爐炭裏生回避得曰衆

苦不能到師默置

衡州華光範禪師

問如何是无縫塔師指僧堂曰此間僧堂无

門戶

○師問僧曾到紫陵無曰曾到師曰曾到鹿門

無曰曾到師曰嗣紫陵即是嗣鹿門即是曰

即今嗣和尚得麼師曰人情不打即不可
。問非隱現是孝人阿那个是和尚師曰及
坤曰此猶是孝人阿那个是和尚師曰道來
道不錯

處州廣利容禪師 先住貞溪

有僧新到師拈拂子曰貞溪老師還具眼麼
曰公甲不敢見人過師曰死在關梨手也
。問如何是和尚家風師曰謝關梨道破
。問西院拍手笑噓噓意作麼上師曰卷上履
子着

。問自己不明如何明得師曰不明曰為什麼

不明師曰不見道自己事

。問曹祖面壁意作麼生師良久曰還會麼曰
不會師曰曹祖面壁

。因郡守受代歸師出送接話次郡守問和尚
遠出山門將什麼物來師曰無及之玉呈獻
太守無對後有人進語曰便請師應後人曰
太守尊嚴

。問于途路絕語思不通時如何師曰猶是階
下漢師請眾曰若來到廣利門下須道得第
一句即開得一線道与兄弟商量時有僧出
禮拜師曰將謂是異國船主元來却是此郡

商人

泉州廬山小谿院行傳禪師

清源人也姓周氏本州石鍾院出家福州太平寺受戒自曹山印可而居小谿

僧問父嚮廬山石明為什麼入不得師曰鈍漢曰忽遇猛利者還許也無師曰喫茶去

西川布水岩和尚

問如何是西來意師曰一回思着一傷心

○問宝剑未磨時如何師曰用不得磨後如何師曰觸不得

蜀川西禪和尚

問佛是摩訶降未審和尚是誰家子師曰水上卓紅旗

一問三十六路阿那一个一路最妙師曰不出第
一手曰忽被出頭時如何師曰

齊着地也不難

華州草庵法義禪師

問如何是祖師西來意師曰
爛炒浮漚飽蒲喫

問撥心即差動念即乖孝人如何進道師曰
有人常撥為什麼不差曰即今事如何師曰
早成差也

韶州華嚴和尚

問既是華嚴還將得來麼

孤峯頂上千華秀一向當機對聖師

○問如何是道師曰雲橫無橫枝天機道合同

前潭州龍牙山居道禪師法嗣

潭州報慈藏嶼匡化大師

僧問心眼相見時如何師曰向汝道什麼

○問如何是實見處師曰絲毫隔曰恁麼即

見也師曰南泉甚好去處

○問如何是西來意師曰昨夜三更送過江

○問時機使用時如何師曰海東有果樹頭心

○問如何是真如佛性師曰阿誰無

○問如何是向上一路師曰柳連道永

○問和尚年多少師曰

秋來黃葉落春到便開花

○師嘗作直贊曰日出連山月圓當戶不是

無身不欲全露一日師在帳內坐僧問承

師有言不是無身不欲全露師乃撥開帳

○問如何是湖南境師曰樓船戰棹曰還許學

人遊翫也無師曰一任關梨打箇

○問和尚百年後有人問如何祇對師曰分明

記取

○問如何是龍牙山師曰益陽那邊曰如何即
是師曰不擬曰如何是不擬去師曰恁麼即
不是

○問古人面壁意如何師良久却喚么甲孝人
應諾師曰你去別時來師垂語曰一句徧大
地一句徧問便道一句問亦不道問如何是
徧大地句師曰無空缺如何是徧問便道句
師曰低聲二如何是問亦不道句師曰便
合知時

襄州合珠山審善禪師

僧問如何是深深處師曰寸釘入木入牛拽

不出

○問如何是正法眼師曰三門前神子

○問如何是佛法大意師曰貧女抱子渡恩愛
競隨流

○師問僧曰有亦不是無亦不是不有不無俱
不是汝本來名个什麼曰孝人已具名了師
曰具名即不無名个什麼曰只這莫便是否
師曰且喜沒交涉曰如何即是師曰親切處
更請一問曰孝人道不得請和尚道師曰別
日來与汝道曰即今為什麼不道師曰覓个
領話人不可得

○師又問一僧曰姓王姓張姓李俱不是汝本
來姓什麼曰與和尚同姓師曰同姓即且後
本來姓個什麼曰待漢水逆流即向和尚道
師曰即今為什麼不道曰漢水逆流也未師
乃休

前京兆華嚴寺休靜禪師法嗣

鳳翔府紫陵匡一定覺大師

師到盤龍見僧問盤龍云碧潭清似鏡盤龍
何處安龍曰泥沙不見底浮浪足噴吼師不
肯自答曰金龍迥透青霄入潭中豈曉玉輪
機盤龍肯之

師後住僧問曰未作人身已前作個什麼來
師曰石牛步火中行返顧休銜日中草

前筠州九峯普滿大師法嗣

洪州鳳棲山同安院威禪師

僧問牛頭未見四祖時如何師曰路過神廟
子見者及勤奉曰見後如何師曰室內無靈
床渾家不着孝

○問祖意教意如何師曰玉兔不曾知曉意金
烏爭肯夜頭明

○問如何是同安一曲師曰壘琴不引人間韻
知音豈度伯牙門曰誰人知得師曰木馬嘶

時從彼聽石人拈掌阿誰聞曰知音如何師
曰知音不度耳達者豈同聞

前青林師處禪師法嗣

洞山第三世住

韶州龍光和尚

僧問人王與法王相見時如何師曰

越國君王不按劍龍光一句不曾虧

師上堂良久云不煩珍重

問如何是西來意師曰胡風一扇漢地成機

問撥塵見佛時如何師拈掌頰視

問如何是龍光一句子師曰不空胃索曰等

人不會師曰噫

問如何是極則為人處師曰

殷勤付囑後人看

問賓頭盧為什麼赴四天供師曰

千江同一月方戶尽逢春 師有偈曰

龍光山頂宝月輪 照耀乾坤燦暗雲

尊者不移元一質 千家影現万家春

襄州鳳凰山石門寺獻禪師

京兆人也自青林受記兩處開法凡對機多

云好好大哥時謂大哥和尚

初居衡岳宴坐巖室屬夾山和尚歸寂衆請

師住持師遂至潭州時楚王馬氏出城迎接

王問如何是祖師西來大道師曰好好大哥
御駕六龍千古秀玉塔排仗出金門王仰重
延入天冊府供養教日方到夾山坐道場
○僧問今日一會何異靈山師曰天垂宇蓋重
重異地涌金蓮葉葉新曰未審將何法示人
師曰無絃琴韵流沙界清和普應大千機
○問師唱誰家曲宗風嗣阿誰師曰一曲宮商
看品弄辨寶湏知碧眼胡曰恁麼即清流分
洞下滿月照青林師曰多子塔前分的意至
今異世度共音

○師自夾山迁至石門開山創寺拜闡玄風上

堂示衆曰琉璃殿上光輝之日日無私七宝
山中晃耀之頭頭有據泥牛運步木馬嘶声
野老謳歌樵人舞袖太陽路上古曲玄音林
下相逢復有何事

○僧問月生雲際時如何師曰三不盡竟抱華
鼓好好大哥莫攔我趨門路

○問如何是和尚家風師曰騎駿馬驟高樓鐵
鞭指及胡人路

問如何是石門境師曰徧界黃金無異色徃
來遊子罷追尋曰如何是境中人師曰
無相不居凡聖位經行爲道沒蹤由

問衆手淘金誰是得者師曰張三李四出金門遍握乾坤石人在曰怎麼即不得從人得也師曰三公九卿排班位看取金雞堅也無問道界無窮際通身絕點痕時如何師曰渺渺白雲漫雪岳轉身玄路冥遲遲曰未審轉身路在什麼處師曰

石人牽手分明記万年枯骨笑時看

問如如不動時如何師曰有什麼了日日如何即是師曰石戶非閑鎖

問如何是石門境師曰鳥鳥飛叫類曰如何是境中人師曰風射舊簾櫳

因般若寺遭焚有人問曰既是般若為何被火燒師曰万里一條鐵

襄州万銅山廣德和尚 第一世住

僧問如何是和尚家風師曰山前人不住山後更住二

問如何是透法身句師曰無力登山水茅戶絕知音

問如何是佛法大意師曰始嗟黃葉落又見柳條青

問尽大地是一个死屍向什麼地葬師曰北邙山下千丘万丘

師因不安僧問和尚患个什麼大羸瘦生師
曰無思不墜的曰恁麼即知和尚病源也師
曰你道老僧患什麼曰和尚忘口師便打

鄂州芭蕉和尚

問十二時中如何用心師曰權掘一木盆

定州石藏慧炬和尚

問如何是伽藍師曰只這個曰如何是伽藍
中人師曰作麼作麼曰忽遇客來將何祇待
師曰喫茶去

前洛京白馬蓮儒禪師法嗣

吳元府青剎山和尚

僧問如何是和尚家風師曰
無底籃兒拾生菜

問如何是白馬境師曰三文華木秀九夏雪
霜飛

前益州北院通禪師法嗣

京兆香城和尚

初參通和尚問一似两个時如何通曰一个
嫌汝師乃省悟

問三光景色謝照燭事如何師曰朝邑峯前
卓五彩曰不涉文彩事作麼生師曰如今特
地過江來

○問向上路請師奉唱師曰鈞絲鉤不出
○問牛頭還得四祖意否師曰沙書不點落千
字曰下點後如何師曰別將一撮俵人天曰
恁麼即人人有也師曰汝又作麼生
○問囊無繫蠶之絲厨絕聚蠅之糞時如何師
曰日捨不求思役妄得

前高安白水本仁禪師法嗣

京兆重雲智暉禪師

咸秦人也姓高氏擲角之歲好遊佛宇誓志
出家父不能止礼圭峯溫和尚剃度後謂高
安仁和尚獨領微言潛遁秘鍵尋迴落下于

中難剗溫室院常施藥有比丘患白癩飛惡
之惟師延迎供養与摩洗垢穢斯須有神光
異香既而辭去遂失所在所遺塔伽而成又
馨香酷烈遂聚而塑觀音像以藏之

○梁開平五年忽思林泉乃歸終南圭峯舊居

師一日閉法岩岫間倏觀摩納數珠銅瓶撥
笠觸之即壞謂侍者曰此吾前身道具耳欲
就此建寺以酬昔因當雍草開基有祥雲蔽
日屯于峯頂久而不散因目為重雲山先是
谷多猛獸皆自引去及塞龍潭以通徑潭中
龍亦徙他所後唐明宗賜額曰長只寺侶於

是四方輻湊

○師上堂有僧問如何是歸根得旨師曰早是忘却

○問不意塵塵如何是進身一路師曰足下已生草前程万丈坑

○問要路坦然如何履踐師曰我若指汝則東西南北去也

○問佛未出世時如何師曰一堆泥土

○問如何是重重祿師曰任將天下勘

○問如何是截鐵之言師曰寧死不犯

○問如何是重重境界師曰

四時不開花三冬盛芳草

○師拜歸故山創寺聚徒涉四十五年誨人之暇撰歌頌千餘首度弟子一千五百人

○永興節度使王彥超早遊師戶庭嘗欲披緇師止之曰汝後當榮顯為教門外護則可矣

○厥後果如師言及鎮永興與師再會益加尊禮周顯德二年丙辰夏六月師詣府辭王

公屬以山門事至七月二十四日體中無恙垂誠門人并示一偈曰

我有一間舍 父母為修蓋 住來八十年 近來竟損壞 早擬移住處 事涉有憎愛

待它摧毀時 彼此無相礙

跌坐而逝壽八十四臘六十四塔于本山

杭州瑞龍山幼璋禪師

唐相國夏侯孜之猶子也大中初伯父司空
出鎮廣陵師方七歲造慧照寺聞諷蓮經志
求出家伯父初不允因絕不飲食不得已而
許之禮慧遠為師十七具戒二十五遊諸禪
會著山白水感受心訣二宗匠深器之

咸通十三年至江陵會騰和尚囑之曰汝

往尋靜而棲遇安即止

又遇憨和尚抚而詁曰汝却後四十年有

巾子下菩薩王於江南當此時吾道昌矣
逸士各有密言授之

尋抵天台山於靜安鄉創福唐寺乃契騰之

之言 又衆請住慧龍院

中和四年浙東飢疫師於溫台明三郡收瘞

遺骸數千時謂慈增大士

乾寧中夏彗和尚經海濱遺師櫻櫛拂子而去

○天祐三年錢尚父遣使童建齋衣服香藥入

山致請師領徒至府庭署志德大師就功臣

堂安致日親問法師請每在於天台山建金

光明道場諸郡黑白大會踰月而散光明夫

會始於師也

○師將辭歸山王加憲募於府城建瑞龍院文
獲王改為宝山院延請開法時禪明吳盛斯
別慈人懸記應矣

○師上堂謂衆曰老僧頃年遊歷江外嶺南荆
湖但有知識叢林无不來問來蓋為今日与
諸人聚會各要知个去處然諸方終无異說
只教當人歇却住心休仗它覓但隨方任真
亦无真可任隨時受用亦无用可受設垂慈
苦口且不可呼晝作夜更饒善巧然不能指
東為西脫或能尔自是神通作怪非干我事

若果拿語之輩不自自已知非直欲向空裏
採葉波中取月還看得心力麼汝今各自退
思忽然肯去始知瑞龍若漢事不獲已舌回
大甚還肯麼

時有僧問如何是瑞龍境師曰道汝不見得
癡曰如何是境中人師曰後生可畏

○問廓然无雲如何是中秋月師曰最好是无
雲曰恁麼即一輪高挂万国同觀去也師曰
捏目之子難与言

○天成二年丁亥夏四月師之墳塔尚父命陸
仁璋於西關蓮勝地建塔創院賜名額李僧

守護乃改天台隱龍為隱迹修塔畢師入府
庭辭尚父囑以護法恤民之事尅期順寂尚
父悲悼遣僧王集在城宿德迎引入塔壽八
十有七臘七十

前杭州疏山匡仁禪師法嗣

疏山證禪師 第二世住

初參仁和尚得旨後遊歷諸方謁投子同禪
師投子問曰近離什麼處曰延平來投子曰
還將得劬來麼曰將得來投子曰呈似老僧
看師乃指向前地上投子便休師遂去
三日後投子問王事新到僧在什麼處曰當

時去也投子曰三十年李馬伎昨日被駟撲
後僧問如何是就事李師曰着衣掃地曰如
何是就理李師曰騎牛去

○問如何是声色中混融一句師曰不辨消不
得曰如何是声色外另行一句師曰難逢不
可得

洪州百丈安和尚號明照禪師 第十世住

問一藏圓光如何是躰師曰勞汝遠來曰莫
是一藏圓光麼師曰更喫一椀茶

○問如何是和尚家風師曰手中寸半布

○問方法歸一一歸何處師曰未有一箇不問

。問如何是極則事師曰

空王殿裏登九五野老門前不立人

。問隨緣認得時如何師曰未認得時作麼生

。師本新羅國人自百丈統衆所度弟子道亘

等凡七人各後參嗣會化一方師滅後門人

寫影法眼讚曰

對目誰寫

蟾輝碧池

日面月面

輪圓須弥

須弥一指

月面毫芒

明照禪師

詎曰違方

方塵不指

大悲何起

我謂玄功

胡是非是

筠州黃檗山慧禪師

洛陽人也少出家業經論孝因婚受菩薩戒

而歎曰大士攝律儀與吾本受盡聞戒俱止

持作犯也然於篇聚增減支本通別制意且

殊既微細難防復於攝善中未嘗行於少分

况饒益有情乎且世間泡幻身命何可留戀

哉由是置講課欲以身指於水中飼鱗甲之

類念已將行偶二禪者接之款話謂南方頗

多知識師何滯於一隅也師從此迴志參尋

屬關津嚴緊乃謂守吏曰吾非翫山水誓求

進道他日必不忘恩也守者察其志遂不可

留且謂之曰師既為法忘身迴時願无吝所

聞師欣謝直造疏山時仁和尚坐法堂受參
師先顧視大眾然後致問曰刹那便去時如
何疏山曰畱塞虛空汝作麼生去師曰畱塞
虛空不如不去疏山便休

師下堂參第一座第一座曰適觀座主祇對
和尚語甚奇特師曰此乃率尔實自偶然敢
望慈悲開示愚迷第一座曰一刹那間還有
擬議否師於言下頓首禮謝退於茶堂悲喜
交盈如是三日尋任黃蘗山聚眾開法第二
世住終于本山今塔中全身如生

隨州隨城山護國院守澄淨果大師

問如何是佛師曰這野漢

問盡大地是一隻眼底人來師如何師曰塔
下漢

問諸佛不到處什麼人履踐師曰聃耳鬚頭

曰何人通得彼中信師曰駝面獸頭

問隨緣認得時如何師曰錯

問如何是西來意師曰一人傳虛万人傳實

問不落干將手如何是太阿師曰

七星光彩耀六国龍煙塵

洛京長水靈泉歸仁禪師

問如何是祖師意師曰

仰面獨揚眉回頭自拍手

○問如何是祖師西來的人意師曰
洛河水逆流

○問如何是和尚家風師曰
騎牛戴席帽過水着靴衫

延州伏龍山延慶院奉璘禪師

○問如何是和尚家風師曰
橫身卧海日裏挑灯

○問如何是伏龍境師曰
山峻水流急三春足異華

○問和尚還愛財色也无師曰愛曰既是善知

識為什麼却愛財愛色師曰知患者少負
者多

○師問火頭焙火了未曰低聲師曰什麼処得
這消息來曰不假多言師曰省錢易飽喫了
還飢

○問如何是和尚家風師曰長齋冷飯曰又大
寂寞生師曰曾家合如是

安州大安山省禪師 第三世住

○問失路迷人請師直指師曰三門前去

○問孝足臨危請師指月師曰不指月曰為什
麼不指月師曰臨坑不推人

○問離四句絕百非請和尚道師曰我王庫內無如是刀

○問重之關鎖信息不通時如何師曰金得到這裏曰到後如何師曰彼中事作麼生

○問如何是真中真師曰十字路頭泥佛子

洪州大雄山百丈超禪師

海東人也

○問祖意与教意同別師曰金雞玉兔聽鐘馗彌魯無對

○問日落西山去林中事若何師曰洞深雲出晚澗曲水流澗

曾辭問曰今日下山有人問和尚說什麼法向它道什麼師曰但向它道大雄山上虎生師子兒

洪州天王院和尚

問國內按劍者是誰師曰天王

○問百骸俱潰散一物鎮長靈如何師曰不墮無壞爛

○問如何是佛師曰錯

常州正勤院臨禪師

魏府人也姓韓氏幼而出家老而童顏得法於疏山之室

僧問師唱誰家曲宗風事若何師曰適然蕭
韻六律不能過曰不過底事作麼生師曰
聲前拍不散句後真无限

僧問如何是正勤一條路師曰泥深三尺曰
如何得到師曰聞梨棧什麼處來

問如何是禪師曰石裏蓮葉火裏泉曰如何
是道師曰楞伽峯頂一莖草曰禪道相去多
少師曰泥人落水木入滂

○晉天福中將順寂預告大衆及期合城士女
奔走至院師囑付訖怡然坐化門人葬于院
後經一忽發塔觀全身儼然髮爪俱長乃於

城東闍維收舍利真骨重建塔
襄州後洞山和尚

問道有又無時如何師曰

龍頭蛇尾腰間一劍

京兆三相和尚

問如何是無縫塔師曰真縫不得曰如何是
塔中人師曰對面不得見

前樂普見安禪師法嗣

京兆永安院善靜禪師

京兆人也姓王氏父任汝守母因夢金像而
育有娘師幼習儒學博通群言年二十七忽

猷浮幻濬請於南山禮寶慶禪師披削受具
唐天復中南謁樂普禪師師器之容其入室
仍典園務力營眾事

○有僧辭樂普樂普曰四面是山聞梨向什麼
處去僧無對樂普曰限汝十日內下語得中
即從汝發去其僧具搜久之無語因經行偶
入園中師怪問曰上座豈不是辭去今何在
此僧具陳所以堅請代語師不得已代曰竹
密不妨流水過山高那阻野雲飛其僧喜躍
師囑之曰祇對和尚不道言是善靜語也僧
遂曰原普樂普曰離下此語曰某甲樂普曰

非汝之語僧具言園頭所教樂普至晚下臺
謂眾曰莫輕園頭他日住一城隍五百人常
隨也

○師尋辭樂普北還故山結庐而止道俗皈向
復遊峨眉迴在夙元連帥王公禮堅後歸故
鄉屬兵火之後舊寺荒廢即創永安禪苑
以居之徒眾五百餘

○僧問知有道不得時如何師曰知有个什麼
曰不可無也師曰恁麼即入道得曰道即不
無爭奈語偏師曰水凍魚難躍山寒華發淨
問如何是衲衣向上事師曰

龍魚不出海水月不吞光

○問不可以智知不可以識識時如何師曰

鶴鷺並頭踏雪睡月明驚起兩邊疑

○問如何是西來意師曰

壁上畫枯松蜂來不見葉

○問牛頭未見四祖時如何師曰異境靈松靚

者皆羨曰見後如何師曰葉落已枝推風來

不得韻

○問如何得生如來家師曰披衣望曉論劫不

明白劫後如何明師曰一句不可得

○師往遊楚道避昭宗家慶之亂以巖開運兩

年歲及臨變推集僧鳴累入方丈東向石為
而化壽八十有九臘六十勅謚淨悟禪師
蘄州烏牙山彥資禪師

○問未作人身以前作什麼來師曰

三脚石牛坡上走一技瑞氣月前分

○問疋馬單槍直入時如何師曰

饒你雄信解拈鎗猶較秦王一步在

○問久戰沙場為什麼功名不就師曰

雙鷗隨箭落李廣不當名

○問白步穿場中的者誰師曰

將軍不上便搗金牙徒勞拈箸

○問蝶蝶飲雲根時如何師曰

金輪天子下閻浮鐵漫頭上金花異

鳳翔府青峯小傳楚禪師

涇州人也性淳覓古眼有三角永樂普開示
心地解宰于衆事一日樂普問曰院主汝去
什處來師曰掃雪來曰雪深多少師曰樹
上揔是曰得即也得汝向後有山住个雪窟
定矣自受記乃訪于白水

白水問樂普有生機一路是否師曰是白水
曰止却生路向熟路上來師曰生路上死人
元數孰路上不着活漢白水曰此是樂普底

你作麼生師曰非但樂普夾山亦不柰何曰
夾山爲什麼不柰何師曰不見道生機一路
師住後

有僧問佛魔未現向什麼處應師曰諸上座
聽祇對

○問如何是臨機一句師曰便道將來曰請和
尚道師曰穿過觸體不知痛處

○問如何是明了底又一句師曰
駿馬亦步不移純鳥昇騰出路

鄧州中受和尚

問海內不逢師如何是寰中主師曰

金雞常報曉時人不自知

○問如何是暗中明鏡師曰方搥昧不得曰未審照何物師曰什麼物不照

○問如何是實際理地不受一塵佛事門中不捨一法師曰真常塵不染海內百川流

○問請和尚離声色外答師曰木入常對語有性不能言

嘉州洞溪和尚

初問樂普月樹無根枝覆陰請師直指妙幽微普曰森林羅秀如事不相伏淥水千波孤峯自異師於是領旨承嗣

○問此師為什麼被蛇吞師曰幾度扣問拈不出

京兆卧龍和尚

初開堂有僧問杲日扶天際珠光照舊都浦津通法海今日意何如師曰金劍揮時豈該明暗

前江西道遙山懷忠禪師法嗣

泉州福清院師魏和尚號通玄禪師

僧問枝分夾嶺的紹道遙室座既登法雷請震師曰道遙迥物外物外震不生

○問如何是西來的二意師曰立雪未為勞斷

臂方為的曰恁麼即一華開五葉芬芳直至
今師曰因圓三界外果滿十方知

京兆白雲無休禪師

問路逢猛虎如何降伏師曰皈依佛皈依法

皈依僧

○問如何是白雲境師曰月夜樓邊海客愁

前袁州盤龍山可文禪師法嗣

江州廬山永安淨悟禪師

僧問如何是出家底事師曰万丈懸崖撒手

去曰如何是不出家底事師曰

迴殊雪嶺空巢節有真許由挂一瓢

○問六門不通如何通信師曰關外邊馬誰

相識

○問脫籠頭卸角獸來時如何師曰

換骨洗腸投紫箬洪門切忌更銜盧

○問從上諸聖將何示人師曰

有異祖龍行化即迴起樓鳳越揚塵

○問如何是解作客底人師曰

室痴珍珠猶尚棄誰能歷劫傍他門

○問衆手淘金誰是得者師曰

黃帝不曾淘赤水珠承罔象也虛然

○問雪覆巖華時如何師曰

踰則互髮三瑞色太陽暉後却迷人

袁州木平山善道禪師

初謂樂普問一漚未發如何避師曰移舟箭

水勢曰如何不動斤各師曰木平

時大法眼禪師有偈贈曰

木平山裏人 兒古言復少 相看陌路同

論心秋月皎 壞衲線非蚕 助歌聲有鳥

城關今日來 一漚曾已曉

師異迹頗多此不繁述滅後門人建塔刊石

影本因蓋真寂禪師塔曰普慧

政府龍黔和尚

上堂謂眾曰直饒說似个無縫塔也不免老

僧下一个櫛作麼生兒得下襪眾无對師自

代曰下去

僧問如何是無縫塔師曰

百宝莊嚴今已了四門開豁已多時

前抚州黃山月輪禪師法嗣

鄧州桐泉山和尚

初謁龍巖問曰羊棹別波瀾如何監齋曰

移舟不辨水羊棹即迷源師從此悟入

僧問如何是西來意師曰石羊頭子向東看

問如何是正法眼師曰拄杖孔

問如何是不動尊師曰浪浪石石

○問如何是木平一句師曰箇塞虛空曰箇塞

虛空即不問如何是一句師乃打之

○師凡有新到僧未許參禮先令運土三搭而

示偈

南山路仄東山低 新到莫辨三轉泥

嗟成在途經日久 明明不曉却成迷

○師肉髮螺紋金陵李氏嚮其道奇即請供養

待以師禮

萬僧問答景德傳燈全錄卷之二十



